

11  
*Augustus Loughran*

DISSERTATIO MEDICA

INAUGURALIS,

DE

DYSENTERIA.

---

AUCTORE FARRELLIO O'REILLY.

---

**D**ECRETO almae hujus Academiae obtemperaturo, scilicet, unumquemque summos in medicina honores ambientem, opusculum de re quavis medica proferre jubenti, pauca de Dysenteria dicere mihi liceat. Bene nos novimus, hunc morbum frequenter esse descriptum, sed sive spectemus ad diras strages, saepe etiam gladio funestiores, quas omni aevo, in exercitus atque classes edidit,



<sup>A</sup>  
[Edinburgh: C. Stewart. 1811.]



vel etiam quod homines in omni terrarum orbis regione, haud raro invadat; satis constabit, quemque artem salutiferam, praesertim in castris, exerciturum, Dysenteriam diligenter considerare, atque probe praenoscere, oportere.

### HISTORIA MORBI.

Usque ad tempus quo vixit praeclarus Sydenham, inter se valde discrepuere medici de Dysenteria disserentes; nonnulli, sub hoc nomine, nempe omnem diarrhoeae speciem, intestinorum haemorrhagiam, atque ulcerationem complectentes.

Sed ille, aliique post eum, ac potissimum Cullenus jure celeberrimus, significationem propriam atque definitam huic titulo de-



dere : Hic, in Systemate suo Nosologico eximio, ad classem Pyrexiarum, et ad ordinem Profluviorum retulit, sicque definivit.

“ Pyrexia contagiosa, dejectiones frequentes, mucosae, vel sanguinolentae, retentis plerumque faecibus alvinis, tormina, tenesmus.”

Dysenteria per regiones calidas praecipue grassatur, praesertim iis in locis, quibus terra demissa ac palustris, et coelum pluviosum eveniunt. Interdum aestate vel autumno ineunte, epidemice in his saevit ; quo tempore, febribus remittentibus, et intermittentibus, persaepe sese conjungit, eo fit morbus maxime lethalis.

Dysenteriae plurima ex parte praeceunt, anorexia, nausea, alvus adstricta, flatus,



quibus superveniunt algores, postea calor et sitis, praeter ordinem augmentur, cum lingua arida subflavi coloris et vomitu praecipue bilioso, pulsu frequenti, capitisque dolore. Paulo post tempore, dejectiones pravae, iterum atque iterum interdum copiose redduntur, cum borborygmis, et dolore ad imum ventris. His cito ingravescentibus dolores per totum abdomen vago itinere progrediuntur, tenesmo, atque immani desidendi desiderio.

Brevi sellae parciales, sed frequentiores fiunt, quibus expulsis, aeger levamine per paululum temporis potitur, praesertim cum moleculae faecum naturalium ejiciantur.

Per anum emissa, quoad colorem, et caeteras qualitates multum variant. Mucus spumosis, aut purus, lineamentis sanguineis



imbutus, aut commistus, frequenter manat. Nonnunquam liquor aquosus loturae carni-um simillimus, foetore putido. Interdum sanguis ipse, pus quoque, fimbriae membranaceae intestinorum tunicae villosae haud dissimiles, in dejectionibus apparent. Aliquando particulae sebaceae, vel specie caseum referentes dejiciuntur; interdum per os vel per anum emittuntur vermes. Saepe in progressu morbi, symptoma aegro molestissimum accidit, ex detrusione ani, pernisus violentos. Faeces alvinae, scybalarum forma tantum, etiamque in minima quantitate, et raro, eliminantur.

Sedes hae pravae, cum aliis comitantibus malis, brevius longiusve permanent. Nunc remediis propriis adhibitis, leniores factae, omnino desinunt, vel diu perstantes, morbum chronicum efficiunt; nunc subito for-



nam graviolem mox dicendam induunt. Urinae excretio in diversis exemplis multum differt, modo parca, nonnunquam cum stranguria evadit; nunc rubicunda, interdum coloris expers, aliquando in toto suppressa est.

Febris quae Dysenteriam comitatur, potest ab accessione morbi, vel inflammatoria, vel typhodea esse, vel ex duabus composita; hoc est, sub initio synocha, et morbo progrediente typho: et cum vere, praesertim in regione frigida, homines Dysenteria adortur, aliquando illâ, ubi autem aestate in terris calidis vel temperatioribus incipit, cum alterutra harum frequentius connectitur. Brevi temporis si morbus fauste evasurus sit, febris gradatim et omnino cessat, sed interdum perdurat, vires extenuantur aut cito obruuntur, ventriculus magnopere nau-



seâ laborat; linguâ et dentibus sordes foedae inhaerescunt. Cutis nunc arida, nunc sudoribus e facie vel e pectore subinde manantibus perfusa est. Nisus frequentissimi et dolentissimi aegrum miserrimum excruciant, qui precatur sibi mortem, suis finem ponere miseriis. Tum facies pallescit, foetor cadaverosus adest. Stupor vel delirium, pulsus exilis, et intermittens, et singultus, accidunt, atque aeger his omnibus confectus, animam emittit.

## SECTIO CADAVERUM.

Quamvis omnia abdominis viscera nonnunquam afficiuntur, tamen intestinis praecipue crassioribus potissimum insidet morbus. Colon et rectum flatu distensa, inflammata vel sphacelata, plus minusve ap-



parent ; interdum tunicae eorum, cum perpaucis inflammationis vestigiis, crassae sunt, vel coarctantur; at nonnunquam praeter solitum rubescunt ; in colo subinde conspiciuntur pustulae, speciem variolae referentes, attamen hoc discrepant, quod in variola, cavernosae, in Dysenteria, carnosae sunt.

Ilium interdum sanum apparet, sed saepe inflammatione praesertim partis inferioris affectum conspicitur, et plexus ejus sibi invicem inhaerescunt ; maculae rubrae vel gangrenosae interdum ventriculo sese ostendunt, omentum aliquando prope consumptum est, vel decoloratum, hepar et lien adaucta, abscessibus affecta, vel immutata inveniuntur. Pancreas, interdum induratum est. Sed haec posteriora exemplararius occurrunt, et fortassis non, nisi cum



morbus febris remittenti, vel intermittenti sese adjungit; in his egomet haec viscera plus minusve sic morbida vidi.

### DIAGNOSIS.

A diarrhoea, colica, cholera, et haemorrhoidae, sequentibus dignoscitur Dysenteria.

Diarrhoeam nunquam comitatur febris primaria, Dysenteriam perpetuo; neque in diarrhoea aequae ac Dysenteriae torminibus, vel tenesmo, excruciat aeger. Nunquam ex contagione originem suam ducit illa, ast semper haec. Retractio umbilici, musculorum abdominalium spasmi, alvus adstricta, nulla pyrexia primaria, vomitus tanquam stercoracei colicam a Dysenteria satis discriminant.



A cholera distinguitur humoris biliosi, sursum et deorsum, copiosa exinanitione, surarumque spasmis. Haemorrhoidam designant satis tubercula circa anum, vel per eum, stillatio sanguinis sine tenesmo, vel alia affectione abdominis insolita, aut praegressa, vel comitante.

### PROGNOSIS.

In hoc, ut in aliis plerisque morbis, secundum violentiam symptomatum, aetatem, corporisque habitum, prognosis diducitur.

Si pyrexia, tormina et tenesmus, mitem formam servant, atque medicamentis propriis cedunt, vix ullum periculum adest. At cum infantes, homines aetate provectos, vel



ex aliquo morbo praeunte debiles, aut faeminas, vehementer invadit, maxime periclitantur. Si adsunt petechiae, vibices, faecumve foetor intolerandus, delirium, pulsus parvus, singultus, et convulsiones, sellae sponte sua elabentes, et urina quoque, atque sedimentum nigrum deponens, tormentorum vehementium cessatio subita, pauca vel plura horum simul concurrentia, mortem indubitabilem, plurima ex parte, monstrant.

## DE CAUSIS DYSENTERIAE REMOTIS.

Plerisque a contagione Dysenteriam oriri hodie constat; si ausim judicare, dicerem, quod sola atque unica causa est. Nam alia varia excitantia, ab auctoribus memorata,



corpus humanum ad invasionem morbi, tantum opportunius reddunt; nempe, paludum miasmata, bilis acris, fructus usus immodicus, &c. quoque calor humiditati conjunctus, victus deficiens vel noxius, evacuationes immodicae, ebrietas, denique quicquid corpus multum debilitat vel vires resolvit, contagionis actioni maxime favet.

### CAUSA PROXIMA.

Quae sit causa hujus morbi proxima, varii medici varie opinantur. Nonnulli duxere causam proximam a materia acri in intestinis aut generata vel illuc delata, eademque irritante. Causam proximam fibrarum intestinorum spasmus esse existimat Cullenus: hoc negant alii, atque ad inflammationem, causam proximam retulere. Valde



mihi arridet haec opinio, ex iis, quae cada-  
veribus incisis, semper conspiciuntur.

### METHODUS MEDENDI.

Quamvis Dysenteria, primo gressu, natu-  
rae inflammatoriae haud raro esse possit,  
nihilominus, quemque medicum, ob horren-  
dam formam typhodeam, quam morbus pro-  
grediens, persaepeissime induit, valde ca-  
vere oportebit, ne sanguinem incaute mit-  
tendo, mortem in aegrum festinaret.

Procul dubio, praesertim in regione fri-  
gida omnia synochae indicia per totum mor-  
bi decursum, interdum adsunt, atque de-  
tractionem sanguinis rogitant. Cum talia  
symptomata occurrunt, phlebotomia quam-  
primum nobis utendum est, incipiente mor-



bo, vētriculum exonerare ingestis, necesse erit; cui consilio, emeticum lene sat inseruit. Tartris antimonii nimis vehemens est, nonnunquam post vomitionem, aegrum nauseâ magnopere laccessit, multumque debilitat, quocirca ipecacuanha aptior erit, partitis vicibus adhibita, donec vomitum cierit. His rite peractis, ad laxantia vel etiam ad purgantia quamprimum confugiendum est: de horum utilitate fere omnes medici una voce loquuntur.

Nihil est quod timeamus debilitatem ex iis oriri vel augeri; nam, sublevando intestinorum irritationem, febrem, qualiscunque generis sit, minuunt; et quo citius illis probe utamur, eo efficaciora fiunt. Omnia medicamenta cathartica, quibus hoc morbo sanando usi sunt medici, nequaquam hic enumerare necesse est, quandoquidem ferme quis-



que unum sibi proprium atque comprobatum habet. Plurima horum adhibita vidi, et puto me, sine praejudicio, de sulphate magnesiae loqui, ut omnium praestantissimo.

Si nullum ordinis laxantium voto medici respondeat, deinde purgantibus utendum, qualia sunt calomelas, jalapium, &c. idoneis dosibus, ad plenam atque repetitam alvi solutionem, nam in hac salus aegri pendet.

Perraro clysmata ullum fere auxilium secum adferunt, aut fovendo aut evacuando intestina, utpote per aptum tempus retineri non possunt, ob tenesmum.

Sed aliquando tormina, fotu externo, levantur, et vesicatoriis abdomini applicatis.



Inflammatione subacta, sordibusque ex intestinis omnino expulsis, opium saluberri-  
mum esse comprobatur, priusquam vero,  
perniciosissimum ; immania tormina et te-  
nesmum, per os vel per anum inhibitum, le-  
vando, interdum mirifice prodest. Clysmata  
opiata, saltem cum minima quantitate  
vehiculi, injicienda sunt ; si haec retineri  
non possunt, formâ pilulae in anum immis-  
sum, persaepe tenesmum amovet.

Diaphoretica, post cathartica solerte ad-  
ministrata, nonnullis valde laudantur : eo-  
dem tempore, aeger decocta hordeacea vel  
alios liquores tenues copiosè bibat, oportet.  
In utraque India, mercurio medici large  
utuntur. Cum debilitas vel proclivitas ad  
putredinem adsunt, liberali manu, vinum  
et cortex peruvianus concedenda sunt.



Tonica atque astringentia, prout res sese habeant, administrentur, oportet. Morbo perstante, intestina et ventriculus, multo acore interdum opprimuntur, cui occurrendo, absorbentia maxime accommodantur, a morbo convalescentes, tenui sed nutrienti victu uti debent, cum exercitatione modica, atque in frigus sese accingant, vestimentis lanuginosis: indusium laneum, sane per omne stadium morbi, in curatione medicamentata multum juvat.

### PROPHYLAXIS.

Quum nos lugubris aevorum experientia, Dysenteriam maxime contagiosam esse monet, non solum medici, verum etiam praefecti classium, castrorum, urbiumque, aliorumve locorum, quae homines frequentant,



vel quibus confertim sese habeant, summa ope, niti debent, ne labes grassaretur.

Morbo correpti, quamprimum a numero sanorum segregentur, oportet, atque seorsum collocentur. Tum ventilatio, atque summa mundities, colendae sunt. Omnia excrementa quam citissime amovere, atque terra contumulare, necesse erit. Vapores aceti calefacti, valde utiles sunt, ad animum aegri erigendum, vel etiam ad contagionem debellandam; sed vapores acidorum mineralium in hoc aliis longe praestant. Nequaquam matulis aegrorum, sani utantur.

Haec non solum aegro ipsi multum prosunt, verum vicinis in morbum, maximum praesidium adferunt.

FINIS.